



卜居傳

區湖蕭雲從尺木甫較

卜居者屈原之所作也屈原履忠貞之性而見嫉如念讒佞之臣承君順非而蒙富貴已執忠直而身放棄心迷意惑不知所為乃往至太卜之家稽問神明決之著龜卜已居世何所宜行冀聞異策以定嫌疑故曰卜居也

屈原既放三年不得復見竭知盡忠而蔽鄣於讒心煩慮亂不知所從乃往見太卜鄭詹尹曰余有所疑願因先生決之詹尹乃端策拂龜曰君將何以教之屈原曰吾寧惘惘欵欵朴以忠

乎將送往勞來斯無窮乎寧誅鋤草茅以力耕乎將游大人以
成名乎寧正言不諱以危身乎將從俗富貴以媮生乎寧超然
高舉以保真乎將啜菽慄斯嚙伊儒兒以事婦人乎寧廉潔正
直以自清乎將突梯滑稽如脂如韋以潔楹乎寧昂昂若千里
之駒乎將汜汜若水中之鳧乎與波上下偷以全吾軀乎寧與
騏驥亢軛乎將隨鴛鴦之迹乎寧與黃鸝比翼乎將與雞鶩爭
食乎此孰吉孰凶何去何從世溷濁而不清蟬翼爲重千鈞爲
輕黃鐘毀棄瓦釜雷鳴讒人高張賢士無名吁嗟默然今誰知
吾之廉真詹尹乃釋策而謝曰夫尺有所短寸有所長物有所

不足智有所不明數有所不逮神有所不通用君之心行君之
意龜策誠不能知此事